



Broj: 01/3-50-1-25-24/05  
Sarajevo, 13. oktobra 2005. godine

**Z A P I S N I K**  
**24. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 13. oktobra 2005. godine**

Sjednica je počela u 13:00 sati.  
Sjednicom je predsjedavao Petar Kunić, predsjedavajući Komisije.

Sjednici su prisustvovali: Ivo Lozančić, Mladen Potočnik, Izet Hadžić i Marija Perkanović.

Opravdano odsustvovali sa sjednice: Azra Hadžiahmetović, Fatima Leho, Dušanka Majkić i Ibrahim Đedović.

Sjednici su prisustvovali: Hajrudin Podbičanin, šef Odsjeka za carinsku politiku u Ministarstvu vanjske trgovine i ekonomskih odnosa; Edita Perić, savjetnik ministra u Ministarstvu vanjske trgovine i ekonomskih odnosa; Amer Bekrić, savjetnik zamjenika ministra u Ministarstvu finansija i trezora; Kemal Čaušević, direktor Uprave za indirektno oporezivanje Bosne i Hercegovine (UIO); Mark Cambell iz OHR-a; Edin Isanović, asistent u Istraživačkom centru BiH i Emira Češljarić, sekretar Komisije.

Za sjednicu Komisije je predložen i jednoglasno usvojen sljedeći

**D N E V N I R E D**

1. Usvajanje Zapisnika 23. sjednice Komisije
2. Razmatranje Prijedloga zakona o carinskim prekršajima Bosne i Hercegovine, predlagač Vijeće ministara BiH
3. Razmatranje Prijedloga zakona o dopuni Zakona o carinskoj politici Bosne i Hercegovine, predlagači Mirsad Ćeman i Beriz Belkić, poslanici u Predstavničkom domu Parlamentarne skupštine BiH
4. Tekuća pitanja  
Razmatranje Izvještaja Ustavno-pravne komisije o jasnoći norme stava 3. člana 176. Zakona o carinskoj politici Bosne i Hercegovine, zahtjev Ministarstva finansija i trezora za autentično tumačenje.

**Ad-1**

Zapisnik 23. sjednice Komisije usvojen je jednoglasno, bez primjedbi.

**Ad-2**

**Razmatranje Prijedloga zakona o carinskim prekršajima Bosne i Hercegovine, predlagač Vijeće ministara BiH**

Prijedlog zakona o carinskim prekršajima Bosne i Hercegovine uputilo je 28. jula 2005. godine Vijeće ministara Bosne i Hercegovine u parlamentarnu proceduru, s prijedlogom da

se Zakon razmatra po hitnom postupku, u skladu s članom 105. Poslovnika Predstavničkog doma.

Predstavnički dom na 64. sjednici, održanoj 31. augusta 2005. godine, nije prihvatio zahtjev Vijeća ministara Bosne i Hercegovine da razmatra Prijedlog zakona o carinskim prekršajima Bosne i Hercegovine po hitnom postupku, u skladu sa članom 105. Poslovnika Predstavničkog doma, te se Prijedlog zakona o carinskim prekršajima Bosne i Hercegovine razmatra u redovnoj proceduri.

Kolegij Doma, u skladu s članom 83. stav 2. Poslovnika, 12. septembra 2005.godine, kao nadležnu komisiju odredio je Komisiju za vanjsku trgovinu i carine za razmatranje navedenog Prijedloga zakona.

Ustavno-pravna komisija Predstavničkog doma, na 51. sjednici održanoj 15. septembra 2005.godine, razmatrala je Prijedlog zakona o carinskim prekršajima Bosne i Hercegovine i jednoglasno utvrdila da postoji valjan ustavno-pravni osnov.

Uvodne napomene ispred predlagača Zakona dao je Kemal Čaušević. Obrazložio je razloge zbog čega je Zakon trebalo da se razmatra i usvoji po hitnom postupku. Organizacionim rekonstruiranjem UIO BiH prestale su postojati carinske uprave entiteta i carinarnice, a time i organi nadležni za vođenje prvostepenog carinsko-prekršajnog postupka. Istakao je da od dana primjene Zakona o carinskoj politici Bosne i Hercegovine postoji pravna praznina za nadležnost vođenja postupka carinskih prekršaja koji će se sada voditi u okviru UIO – Komisije za carinske prekršaje u regionalnom centru UIO što je regulisano članom 30. Prijedloga zakona, dok sudovi za prekršaje ne budu osposobljeni. Sadašnja rješenja Prijedloga zakona su u potpunosti usklađena sa evropskim standardima kako u pogledu predviđenih radnji koje predstavljaju prekršaj, sankcije za iste, te nadležnosti za vođenje postupka.

U diskusiji su učestvovali: Petar Kunić, Mladen Potočnik, Izet Hadžić.

Konstatovano je da nije bilo amandmana na Zakon.

Nakon opće rasprave i rasprave o pojedinostima, Komisija je jednoglasno podržala principe predloženog Zakona, a zatim i tekst Zakona u cjelini, uz konstataciju da je Zakon neophodno donijeti, pa će predložiti Predstavničkom domu da usvoji Zakon o carinskim prekršajima Bosne i Hercegovine.

Za izvjestioca na plenarnoj sjednici Komisija je imenovala predsjedavajućeg Komisije.

### **Ad-3**

#### **Razmatranje Prijedloga zakona o dopuni Zakona o carinskoj politici Bosne i Hercegovine, predlagači Mirsad Ćeman i Beriz Belkić, poslanici u Predstavničkom domu Parlamentarne skupštine BiH**

Prijedlog zakona o dopuni Zakona o carinskoj politici Bosne i Hercegovine uputili su 30. augusta 2005. godine u parlamentarnu proceduru Mirsad Ćeman i Beriz Belkić, poslanici u Predstavničkom domu, s prijedlogom da se Zakon razmatra po hitnom postupku, u skladu s članom 105. Poslovnika Predstavničkog doma.

Predstavnički dom na 65. sjednici, održanoj 16. septembra 2005. godine, na prijedlog predlagača, prihvatio je da se Prijedlog zakona razmatra po hitnom postupku, u skladu sa članom 104. Poslovnika Predstavničkog doma.

Kolegij Doma, u skladu s članom 83. stav 2. Poslovnika, 21. septembra 2005.godine, kao nadležnu komisiju, odredio je Komisiju za vanjsku trgovinu i carine za razmatranje navedenog Prijedloga zakona.

Ustavno-pravna komisija Predstavničkog doma na 52. sjednici održanoj 23. septembra 2005.godine, razmatrala je Prijedlog zakona o dopuni Zakona o carinskoj politici Bosne i Hercegovine i jednoglasno utvrdila da postoji valjan ustavno-pravni osnov za donošenje navedanog Zakona. Komisija je dopisom od 27. septembra.2005. godine od Upravnog odbora Uprave za indirektno oporezivanje u Bosni i Hercegovini zatražila da, na

osnovu odredbi Zakona o sistemu indirektnog oporezivanja u Bosni i Hercegovini, dostavi mišljenje, odnosno odobrenje za predloženu dopunu navedenog Zakona.

Upravni odbor na sjednici održanoj 4.10. 2005. godine razmatrao je Prijedlog zakona i nije postigao saglasnost, pa će 26. 10. 2005. na sjednici Upravnog odbora UIO biti ponovo razmatran Prijedlog zakona o dopuni Zakona o carinskoj politici Bosne i Hercegovine, predlagača Mirsada Ćemana i Beriza Belkića.

U raspravi su učestvovali: Izet Hadžić, Marija Perkanović i Petar Kunić. Prema informaciji, da je Upravni odbor na sjednici održanoj 4.10. 2005. godine razmatrao Prijedlog zakona i nije postigao saglasnost, i da će 26. 10. 2005. na sjednici Upravnog odbora UIO biti ponovo razmatran Prijedlog zakona o dopuni Zakona o carinskoj politici Bosne i Hercegovine, na prijedlog predsjedavajućeg Komisije, Komisija je jednoglasno zaključila:

Imajući u vidu navedeno i nemogućnost Komisije da ispoštuje rok za hitni postupak razmatranja navedenog Zakona, na prijedlog predsjedavajućeg Komisije, Komisija je jednoglasno **z a k l j u č i l a** da od Kolegija Doma zatraži produženje roka od 30 dana.

#### **Ad-4**

##### **Tekuća pitanja**

#### **Razmatranje Izvještaja Ustavno-pravne komisije Predstavničkog doma o jasnoći norme stava 3. člana 176. Zakona o carinskoj politici Bosne i Hercegovine**

Ustavno-pravna komisija Predstavničkog doma na 51. sjednici, održanoj 15. septembra 2005.godine, razmatrala je zahtjev Ministarstva finansija i trezora Bosne i Hercegovine od 11.8.2005. godine za autentično tumačenje stava 3. člana 176. Zakona o carinskoj politici Bosne i Hercegovine i obavezala Komisiju za vanjsku trgovinu i carine da utvrdi prijedlog autentičnog tumačenja navedenog člana Zakona.

Komisija je dopisom od 27. septembra 2005. godine od Upravnog odbora Uprave za indirektno oporezivanje u Bosni i Hercegovini zatražila da, na osnovu odredbi Zakona o sistemu indirektnog oporezivanja u Bosni i Hercegovini, dostavi mišljenje.

Prema obavještenju Upravni odbor UIO ponovo će, na sjednici 26.10.2005. godine, razmatrati zahtjev za tumačenje navedene odredbe Zakona o carinskoj politici Bosne i Hercegovine.

Imajući u vidu navedeno, a na prijedlog predsjedavajućeg, Komisija je jednoglasno **z a k l j u č i l a** da je potrebno sačekati dostavljanje mišljenja Upravnog odbora i nakon dobijanja istog Komisija će ponovo razmatrati Izvještaj Ustavno-pravne komisije Predstavničkog doma o jasnoći norme stava 3. člana 176. Zakona o carinskoj politici Bosne i Hercegovine.

O prethodno urađenom obavijestiti Ustavno-pravnu komisiju.

Sjednica je završila u 13:40.

Sekretar Komisije  
Emira Češljarić

Predsjedavajući Komisije  
dr. Petar Kunić